

THESES OECONOMICÆ,

Qvas

Consent, Ampl. Facult. Philos. in Reg. Acad.

Aboënsi,

Sub MODERAMINE

VIRI Cl.

DN. ALGOTHI A. SCARIN

Hist. & Philos. Civil. PROFESS. Ordin.

A U C T O R

SAMUEL CHYDENIUS

O. B.

PRO GRADU

Ventilandas fistit die 16 Decembris,
MDCCXLVII.

ABOÆ, Exc. JOH. KÆMPE, R. Ac. Typ.

Domino AUCTORI.

MΗΠΟΤΑ έυπετέως καὶ ἄλερ καλεποῖο τόνοιο
Οὐδενὶ τῶν Βεργίων τὸ ἔδω Θεός αἰσθέτη τοίων
Εὐ διὸ καὶ έυφρεδέως ὁ Φαῦ πεσόπαλάς θν Αἰοιδῶν
Θῆκε ναὶ ἀφλύ Αρετὴ ἐν τοῖς μρημώδεσσι καέργεις,
Ταῦτ', Λύλαγε θαφίσει, οὖτις πειράμενος ὅτας,
Τῷνεκα Αὔραπιαις αἰδόλως Μωσῆς πάρτεσσι,
Έυπλοναμαις, ττ' οσφῶς ἔρδεισγε ΧτΔΗΝΙ ἔταιρος,
Τάρβες δ' γαδέ πόναρς πόνοι αψέψυρος καέρης
Αἴθεστοι εἰρλανοῖς! Εγὼ ἀφθίτοι έυχομαι ὅλθον!
Έυστέβεα καλέθω, ηδὲ αρετὴ καὶ κῦδος ὁπτοῖς
Φίλε ΚΤΔΗΝΙΑΔΕΣ, τὰ δὲ κατάλινα Αιδερίκεν έη
Θιλογίων, οὐδὲ γεφνίδαις καλέθω έμπλον αρέθειος

σουκάνιεων ἔγε*

M. PEITHZIUS

Commis. in G. Carleby.

THES. I.

OECONOMICA prudentia, qvæ absolvitur scien-
tia opes acqvirendi, conservandi & rite
dispensandi, tuissimam pandit viam ad fe-
licitatem civilem obtinendam. Unde con-
stat, illos, qvi studiis oeconomicis strenuam & publi-
co utilem navant operam, in republ. maximi fieri
debere.

THES. II.

STUDIUM Oeconomiae cum parvi olim fecerint gen-
tes arctoæ, maluerintqve armis suis exteroros ter-
rere & rapto vivere, qvam terram colendo, metallum
effodiendo, fabricas instruendo & mercaturam
exercendo, sibi suisqve affluentiam & dignitatem
comparare, non mirum, qvod patriam non magis u-
berem & fœundam illi suis posteris reliquerint,
qvam seqvioris ævi monachi, qvi, speculationibus suis
indulgentes, eruditum omnia alia, qvam qvæ homi-
nes servi & plebeji, discere & scire debere, existi-
marunt,

THES. III.

QVATVOR imprimis sunt fundi proventuum, ex qvi-
bus salus reipubl. erit derivanda. Primum sibi

4 vindicat locum *AGRICULTURA*. Etenim non solum antiquissima est; (*) verum etiam ita necessaria, ut illa deficiente, reliqui ditescendi fontes ægre locum inveniant. Secundo ordine quæ ponatur, digna est *METALLURGIA*: Tertium sibi gradum vindicant *OPIFICIA*, & quartum denique *MERCATURA*. Hæc quo magis prosunt suis cultoribus & cum humanitate (**) justitiaque arctiore fœdere sunt conjuncta, tanto studium illorum impensis laudari commendarique conveniens erit.

(*) Antiquissimum vitae sustinendae genus agricultura erit, si eodem, ut convenientis est, venationem utramque, aquaticam & terrestrem retuleris; item hortensem curam. Ex his autem qui quis opes acquirere velit, ad tempus, locum, gentis & regionis genium attendere, & omnia, quæ his spectant, optime callere debet. (**) Genes. III. 17, 18, 19.

THES. IV.

Quod prærogativæ illæ, quas larga manu patriæ nostræ concessit natura, ad hæc & proxima usque tempora, in tenebris latuerint, id non tam pigritia, stupiditati aut belluino vitae generi majorum nostrorum, sicut opinari velle videtur *TACITUS*, sed potius invidia & improbitati gentium vicinarum adscribi debet.

THES. V.

Quemadmodum unaquæque regio, suis semper affligitur difficultatibus, & variarum rerum laborum penuria; non enim omnis fert omnia tellus; ita omnis & contrario etiam infelicissima orbis plaga suis a natura donata est muneribus atque prærogativis; quæ si in usus hominum recte converterentur, ad incolas

regio-

regionis alendos & ditandos sufficerent. Qvod autem plurima loca adhuc videamus, in quibus nullum humani cultus vestigium apparet, id non indoli & constitutioni regionum, neque inclemenciae cœli semper; sed aliorum, qui hodie sunt, civium imperitiae, qui locorum vitia quæsitis arte remediis mollire ne- sciant; aliorum, eorumque multo plurium defidiae & denique illorum, qui opus faciunt, paucitati, tri- buamus necesse est.

THES. VI.

Si millies millena robora virorum, quæ in bellis pereunt, olim & hodie imperantium ambitio ut & æmulatio rei rusticæ excolendæ accommodarent, eosdemque ad propagationem generis sui, instituto naturæ convenienter proferendam, veterum more, præmiis propositis invitarent (*) non dubito quin orbis loca quævis, etiam inhospita, si non magnificè, saltem ad sufficientiam inhabitarentur.

(*) In comitiis, quæ hodie sunt, perillustrem gentis nos- træ CIVEM repraesentasse designationem regni ordinibus, quomodo non multo cum impedio fundari sustinerique posse sine militum seminaria, a præside meo, cui ab auctore nuper designatio ad legendum illa fuit communicata, his diebus audiri. Apud Judæos, Graecos, Germanos, & quidem præcipue Romanos, ad replenda multa, sed legitima prole rempubl., præmiis & augustinis privilegiis invita- tos fuisse cives, dissertatio de conjugiis non liberis doctiss. Dn. Wallini apud nos nuper habita, pluribus testa- rum facit.

THES. VII.

Si quæ alia regio, certe LAPONIA a multis ha- betur

betur inhabitabilis, imprimis ob frigus agriculturæ inimicum. Illi verò, qvi ad arbitrium, non rei veritatem sic quidem judicant, certe non didicerunt, posse multas alias esse perfectiones, qvibus hæc abundant terra, qvæque ad defectum hunc compensandum egregiè sufficiunt.

THES. VIII.

Nimis prolixum foret omnia commoda, qvæ præceteris regionibus possidet *LAPPONIA*, enumerare. Sufficiat memorasse *RANGIFEROS*, animalia in illa gente frequentissima & septentrioni nostro propria; qvæ vestimenta & alimenta & cætera ad vitæ sufficien-tiam necessaria exteris (*) & indigenis apportant. Ministerio prolifici animalis illius per altissimos eosdemqve late patentes nivium cumulos vehi moris est summa cum celeritate. Qvin, neqve frigus hoc armatum timet, neqve convectionis opus habet pabulo tempore hiemali.

[*] *Togas villosas e pelle Renonum confectas (Svetice Lappmuddar) exteris, etiam Romanis usurpatas fuisse, JULIUM CÆSAREM ipsum testem conf. itemque JORNANDEM & P. VARNEFRIDUM, qui de Scrito-Fennis Svetbiae (Sverians) testatur, qvod pellum decorum nigridine ista vestiti incesserint.*

THES. IX.

Licet vana spe semet oblectare, non dicam ludere & frustrari velle alios videri possint, qvi frigus nocturnum, qvod tempore aestivo fruges depascit, penitus ex hoc gelido septentrione profligari posse gloriantur. Id hominum rei rusticæ peritisimorum suffragio constat tamen, adhibita prudentia & diligentia, ad non minimam partem, posse mitigari vim frigoris, imo

imo in *LAPPONIA* qvoqve ejusmodi loca inveniri, qvæ ipsa natura in tuto collocavit, qvæqve ideo agriculturæ promovendæ commoda & probe affecta videri poterint.

THES. X.

SI paludes musco squalentes prataqve uliginosa, quibus *LAPPONIA*, nostraqve, qvæ hodie est, frugalis *FINLANDIA* affatim secat, derivationibus aquarum ultra citroqve factis exsiccarentur, amnes multi, aquæ defluentis ope ministerioqve navigabiles evaderent & effœta gelu pagorum villarumqve nomina (*Frostnästen*) in tabulis rationum publicarum omnem non hodie paginam implerent.

THES. XI.

Hypothesis, qvæ, orbis habitabilis senio septim de trito, juventam nescio quam firmam an vero infirmam, eidem nuperrime restituit, quam in scholis philosophorum, præsertim *bistoriorum*, existimationem inveniet, dies docebit. Id docet experientia, ab illuvie aquarum, a natura exsiccante, parum hucusqve genti nostræ prospectum esse. Interim si ad restituendum terræ suam ubertatem, potentiam eandem bonitatemqve, quam Ægypto *TRAJANUS*, qvorum interest apud nos qvoqve conferre vellent, sterilitatis suæ præsentem conditionem brevi immutaturam, alimentorumqve in usum humanum, regionem vix concipi posse aliam feraciorem, credibile est.

THES. XII.

AD æquilibrem alpium summitatem, sive ascenderit aquæ superficies olim, sive non adscenderit, id sapientiae & bonitati divinæ, qui ab illis longe non absimus *Fenni* & *Lappones* in acceptum omnino referimus,

mus, qvod iisdem montium jugis, nobis nostroqve
so'o, adversus aquilonaris venti marisque saevitiam,
castellarum supercilie isto egregie pro pexerit.

THES. XIII.

Quantæ necessitatis merx sit è pinis destillata resi-
na, illi, qui maritimo itinere merces ultro ci-
etroqve transportare solent, optime norunt. Tanto
vero a prodigentia & abusu pinetorum suorum ma-
gis se continere deberent Ostrobotniæ & Lapponiæ
cives mei, si rei familiaris suæ ruinam avertere ve-
llint, quanto de gentibus illis, qvæ præ cæteris peri-
tia & usu navigandi sunt insignes, id certo certius
constet, qvod pinetis plerumqve distiuantur.

THES. XIV.

Arborum & animalium apta genera, pro condi-
tione regionis, natura produxit. Qvin alendis au-
gendiqve feminibus sufficeret terra nostra, neqve du-
bitari potest, imprimis si loca ad agricultutam magis
idoneæ eligerent coloni, eademqve non effæti soli
diligentia & cultura, qva decet, meliores efficere
studerent. (conf. §. IX.)

THES. XV.

Frumentandi ratio, qvam concæde arborum facta & in-
censâ, invexere sedium harum coloni antiquissimi,
nobisqve posteris usqve hodie continuari moris est,
quantum hodie commoditati & ignaviæ privatum ve-
lificari videtur, tantum publicæ rei incremento olim
noxiæ futuram esse, non conjectura sed oculis pro-
pe comperta res est.

THES. XVI.

Trito quidem dicitur proverbio: *suum cuique pul-
crum*

erum esse; verum non obstat illud tamen, qvo minus in-
dies accrescens, apud mulierculas præsertim, ambitiosa
fames exoticarum mercium, ad malorum, qvæ nos
publice & privatim vexant, cumulum immane qvan-
tum conferat.

THES. XVII.

Indiae gentes cum gemino oculo se videre ajunt; *Egyptiacos* vero oculo non nisi uno rerum naturam
adspicere; rectene an secus judicent nos non dicimus.
Qvod otiosis litigiosisque literatoribus oppleri civita-
tem suam nolit *Sinensem* Imperator, eosqve penes se
modo sapientes degere hospitariqve velit, qvi medicinæ
& œconomiae studio apprime dediti sint, in eo certe
nostris hominibus, qvi œconomiam inter artes illibera-
les referunt, illum acutum magis cernere, censendum est.

In modum corollar. subjiciuntur Theses sequentes.

I. Spiritus agunt in corpora.

II. Corpora sunt idearum suarum
in spiritibus causæ.

III. Anima & corpus in se mutuo
influunt.

IV. Systema harmoniæ præstabilitæ
com-

commercium inter mentem & cor-
pus ex iis explicat principiis, qvæ o-
mnem de existentia corporum certi-
tudinem evertere velle videntur.

Soli Deo Gloria.

